

W Ir Albrecht von Gottes gnaden Erz-hertzog zu Des
Kerreich/ Hertzog zu Burgundt/ Loterich/ Brabant/
Steuer/ Carnten/ Craim/ Limburg/ Lutzenburg/
Geldern vñ Wirtenberg/ Grabe zu Habsburg/ Flan-
deren/ Tyroll/ Archois vnd Burgundt/ Pfaltzgrabe zu Hene-
gaw/ Hollandt/ Zeelandt/ Namur vñnd Zutphen/ Marggraeff
des Heiligen Rom. Reichs/ Herz zu Frieslandt/ zu Salines vnd
Mächelen/ deren Statt/ Stette vnd Landschafften Vrecht/ zu
Ober-ysel vñnd Grönningen zc. Hiemit thun kundt jedermens-
niglich/ demnach wir der Edlen vñnd Stette des Furstenthumb
Clebe/ Graeffschafft zu der Marck vnd Herschafft Rabenstein
zu vns abgefertigten Committirten bey vns wegen der Neutra-
litet vnd Salvaguardi auf erwendter Landen beschehenes vnter-
thenigstes ahn vnd vorbringen reifflich vnd gnädigst in acht genom-
men vnd behertziget/ das wir htemit in ihrer Kon. Mat. vnd L. zu
Hispanien zc. vor vns/ vnd in vnsern nahmen (weiln solches albe-
reit vnter dato den 12. Martij jungsthin dieses lauffenden jahrs/
vonden General Staten geschehen) alle vñ jede besagte Fursten-
thumb vnd Landen Clebe/ Marck vnd Rabenstein/ vnd der selben
einwohner vñ eingeseffene/ was wurde/ Stants/ Condition oder
wesens die auch seyen/ Geistl. vnd Weltl. in was Furstlichen vnd
Adelichen Schloffern/ Heusern/ Stetten/ oder was orts auf dem
Platten-landt sich dieselbe auffhalten/ solche seine gleich von dieser
oder angedeuter Statistichen seiten mit Guarnison besetzt oder nit/
vor Neutral erklärt vnd zu halten/ geloben/ Also vñ dergestalt/ das
sie nit allein ihre sachen/ traficq. vnd commercia zu Wasser vnd
zu Lande/ frey sicher vnd vngehendert/ als Neutral persohnē ver-
richten vnd exerciren, ihr Viehe in vñnd auß ihren wohnungen
treiben/ vnd in ihrem Baw/ vñ anderen wercken gebrauchen/ son-
dern auch das ihre Persohnen/ Weib/ Kinder/ Haus vñnd dienst-
genossen/ bestelte pfacht/ vnd halfleuthe/ vnd alle deroselben Lan-
den eingeseffenen Vasallen/ Furst-Graff vnd Adeliche Officirer
Beambten vñ Obzigkeiten/ Burger/ Gemeinte/ Vnterthanen/
oder deroselben haab vñnd guter/ Heusern/ Höffen/ Acker/ Felde/
Buschen vnd geholtz/ Wismatte vnd Gewachs/ vñnd alle andere
deren

deren ahn vnd zu gehörigen/nichtes dabon abgesondert/noch auß-
geschlossen/in einnicherley weg sollen molestirt, rantzionirt, ge-
brandeschetzt / oder auff andere weise beleidiget werden mögen.
Das auch vonn nun ahn in mehrgedachten Fürstenthumb/
Graff vnd Herschafften keine Fürstliche noch Adeltliche Heuser
oder Stätte/welche vor diesem sonder Guarntison gehalten wur-
den hinfuro damit nit beschweret noch losirt/vnd sie bey dieser vn-
ser Neutralitet vnd Salvaguardi sambt vnd sonders/ so wol bey
noch wehrenden friedlichen ahnstandt / als da es gleich widrumb
mit den Statfischen zu einem offenen Krieg vnd friedens-bruch
(so der Almechtich nach seinem Göttlichen willen vermellen wol-
le) kommen solte/ jedoch mit diesem außtrucklichen beding vnd
meinung/das sie sich gegen hochstgedachter ihrer Kon. Mat. vnd
L. vns deroselben vnd vnserm Kriegs-Volck/allē vnsern benach-
barten Landen Guarntisoenen Vasallen vnd Vntertananen/ als
getrewe Neutral vnd friedlichen Nachbarn in aller aufrechten
Neutralitet/fried vñ schicklichen verhalten/einige hostilitet, noch
feindthattlichkeit in noch außserhalb der Stätte vnd Vestungen/
darin sie begriffen nit verüben sollen/verplleben vnd gelassen wer-
den sollen/vñ befehlen dar auf allen vñ jeden obhochstgedachter ih-
re Kon. Mat. vnd L, vnd vnsern Veldt-marschalcken/ Gubernat-
toren/ Stadthalttern/Obristen/Rittmeister/ Haupteute, Com-
missariē/ Quartirmeister/ Fortireren/vñ allen anderen hohen vñ
niedern bedelchs vnd gemeinen Kriegslenthen htemit ernstlich/
meinen vñ wollē/das ihr hinfuro mehrerwendter Fürstenthumb
vñ Landen Clebe/Marck vñ Rabenstein Einwohneren vñ Ein-
gesehenen/dieser vnser ihnen gnedigst bewilligt vnd ertheilten
Neutralitet, protection, Salveguardi, sicherheit vñ befreitung zu
anzeigung deren sie sich in Stätten vñ auff dem Platten-Lant vñ
jedem ihrem gebiet vnd eigenthumb/vñ sonsten/wo vnd wie es ih-
re notturft erfordern wirt/auff Schiff/Wagen vñ Karren/vnser
Ertz-fürstlich Wapffen gebrauchen mögē/ohne alle contraven-
tion, widersetzlichkeit ein vñ gegenrede/ wurcklich/rhulich/vñ vn-
ahngesochten genieffen/sie alle vnd jede auf vñ durch des H. Rom.
Reichs ohne das Neutral vnd freyen grunde vnd bodem/diese vn-

fere gehorhamben/ vnd alle vmbliegende benachbarte Neutral Ertz-
vñ Stuffer/ Fürstenthumb tñ Landen/ auch auß vnd in die Holl-
vnd Seelandische tñ andere selbige Probinden zu Wasser vñ zu
Landt/ mit allen bey sich habenden/ in vnsern deswegen vorhin pu-
blicirten/ vñ noch ferner außgehenden Placaten/ auß den Zollen/
Licent/ vñ ahn allen ort vnd endt/ durch diese vnser Landen vñ ge-
biet nicht verbottenen wahren/ Kaufmanschaft vñ gutern/ Koffen
Viehen/ Schiff/ Karren vnd Wagē/ vermitz bezahl vnd enrich-
tung derer von vns angesetztten gebuhr vñ rechten/ frey/ sicher/ vn-
gehindert vnd vnaufgehalten passiren/ vñ repassiren/ auß vnd ein-
ziehen/ ihre Commercia, traficq; gewerb/ nahr vñ handlung wie
vorhin continuiren vñnd trleben lassen/ vñ bey solchem ihrem hin
vnd wider auß vnd abziehen traficqueren, handel vñ wandel ihnen
weder durch rantzoniren/plunderen/rauben/ brandschatzen/ oder
andere exactiones vnd Feindlichen zwang/ vnd zündtungen/ eini-
gen schaden/ gewalt/ noch uberlast vñnd beschwernus zu fuegen/
noch andern ewers mittels vnd gebiets zu thun verstaten sollet/ in
keinerley weise noch wege/ bey vermeidung vnserer vngnad vnd
straf/ Vnd ist dabey auch ferner vnser genädigster bevelich/ das
allen gegenwürtiger vnserer Patent Neutralitet vñ Salvaguar-
di, vidimirten Copen vnd abschriften durch alle vñnd jede obge-
nente Königlische vnd vnserere Kriegs-haubter hohe vnd nieder Bes-
velchs-habere/ Kriegsleute/ vnd alle andere Beambte Obrigkeiten/
vnd gebieten allenthalben nicht weniger als dem Original selbst
vollkommener glauben zu gestelt vnd gegeben werden solle/ Alles
trewlich vnd ohn gefehrde. Zu Vhrkundt dessen/ haben wir vns
mit eigenen handen vnderschrieben/ vñnd vnser Ertz-Fürstlich
Secret Insiegel hier auß zu drucken genedigst befohlen/ So ge-
geben in vnser Statt Brussel ahm letzten tag Monat Martij
des Jahrs nach Christi vnseres Herrn vnd Selichmachers geburt
sechs zehen hundert ein vnd zwantzig.

Vnderzeichnet Albrecht.

Weiters

Ad mandatum Serenissimi Archiducis proprium
Anthonius Suarez de Arguello.